

ÄÄNESTÄ RUOTTIN PARHAUEKSI

Ko mailma oon levoton, se saattaa olla syytä miettiä ketä sitä oikeasthaans saattaa luottaa. Kukka ottavat vastuutta ja seisovat tukevasti. Kukka huolehtivat koko maan parhaasta.

Met uskoma ihmisitten vaphautheen ette itte saaja valikoittea ja olla vallassa ette ottaa omia päätöksiä. Met uskoma matalamphiin verhoiin ja ette yrittäjitten määrä lissäintyy. Met emmä koskhaan horju ko oon kyse oikeusvaltion riippumattomuesta ja prinsiipistä ette kaikin oon tasavertasia lain eessä. Met taistelemma ette vaimot pitävät saaja samat ehot ko miehet. Ette sie saat rakastaa ketä sie halvaat – etkä tartte pölätä ette näyttää sitä. Met tiämä ette klimattikriisi oon olemassa nyt ja met halvaama tehä jotaki sille. Met halvaama enämpi uusiutuvvaa tankhiin ja miljööystävälisiä sähköä talhoin. Se oon politiikka Ruottin parhaueksi.

Halvaaks huolehtia koko maan parhaueksi?

Äänestä Centerpartiita!



RUOTTIN PARHAUEKSI

**Ääni Centerpartiile
oon ääni koko Ruottin parhaueksi.**



Sulle joka halvaat parhautta Ruottile.

Ruottila ja mailmala oon monta suurta ongelmaa jotako tarttee ratkasta. Niitä oon kaks maholisuutta. Joko enämpi yhtheistyötä ja vastuuenottamista, kiinitetty Ruottin politiikan keskioshaan. Voimakhaila satsauksilla klimathiin, tasa-arvosuutheen ja koko maahaan. Elikkä antaa ratkasevva vaikutusvaltaa popylistisille voimile jotako epäluottamus, syylistäminen ja samansuuntaus oon leimanu. Mikäs tie sie uskot oon parasta Ruottile?

Centerpartii oon sulle joka välität tosi ongelmista arkipäivässä – ja halvaat tehä jotaki niile.

Joka halvaat tehä jotaki klimattimuutoksille ennen ko se oon liika hiljasta.

Joka halvaat nähä enämpi töitä ja yrityksiä koko maassa, ei avian suurissa kaupunkissa.

Joka halvaat topata miesten väkivaltaa vaimoja kohitti.

Joka halvaat ette yhtheiskunta satsaa lissää ette lapsitten psyykkinen huonovointi paranee.

Joka tykkää ette Ruottila justhiins niinku muila maila oon ihmisyyen velvolisuus auttaa ihmisiä jotka oon pakossa soasta.

Joka tykkää ette met tarttema enämpi yhtheistyötä, ei vähempi.

Joka halvaat parhautta Ruottile.

Valikoitte vihriäisen, liperaalin parttion joka halvaa tehä yhthistyötä Ruottin parhaueksi – Valikoitte Sentteriparttion!

KLIMATILLE, TASA-ARVOSUUELE JA MAASEUVULE

KLIMATIN PARHAUEKSI

Klimattimuutos tarttee mennä hopumpaa. Ruotti saattaa ja pittää mennä eessä. Met häymä vähentä ulospäästöjä ja satsata voimakhaasti uushiin vihriäishiin töihiin.

- Vähentää ulospäästöjä reilusti
- Satsata paikalisesti tuotethuun ruokhaan klimatin vuoksi
- Hoputtaa uusiutuvan enerjiin ulosrakentamista

TASA-ARVOSUUN PARHAUEKSI

Miehilä ja vaimoila pitävät olla samat ehot. Sen takia vaimoitten palkat pitävät nousta ja useampia klasikattoja pittää särkeä.

- Turvalisuus väkivallasta kaikile vaimoile ja lapsile
- Lua tasa-arvosen hoijon koko maassa – ja synnytyshoito pittää olla mailmanluokkanen
- Satsata tasa-arvoshiin palkhoin ja lisätä yrittäjäisyyttä vaimoitten kesken

MAASEUVUN PARHAUEKSI

Maaseutu rakentaa Ruottia. Koko maata. Täälä oon etelytyksiä uusile töile, meän ruokatuotanolle ja uusiutuville polttoaihinneile.

- Tehä helpomaksi ette alottaa ja vettää yrityksiä jotka antavat töitä koko Ruottissa, ei aivan suurissa kaupunkissa
- Valvoa ette oon hyviä teitä, rautateitä ja preetpantia koko maassa
- Tehä helpomaksi ette rakentaa ja asua maaseuvula